

台安縣志

題 棣
簽 珊

地 410.35
42
124


K2731
T 2
1



K2731
T2
1



善維孫事知縣安台




台安教育局長傅玉璞



縣志局人員合影



縣 公 署 正 門



縣 城 全 景

台安縣志序

方志出於史家乾道臨安志以來暨於元明赤畿望緊咸見箸錄清代各省修通志各以縣志爲取材之資於是遐陬僻邑莫不有志顧自來言志者皆以徵文考獻爲鵠的或斤斤於考証之精疏或沾沾於文字之繁簡體例之同異人倫之藻鑑自非鴻碩莫敢操觚然在今日則地利民生所繫尤切昔人謂志者治之譜固官斯土者所宜知台安之爲縣肇造於清季然則斯志之作當在此而不在彼矣孫令維善知台安時屬傳教育局長玉璞纂脩縣志于令冠瀛繼其任將爲刊布來請序言余維親民之官當周知所治如其家尤當使後之來者其周知所治無以異乎吾則斯舉也可謂知所務者已中華民國十八年十

台安縣志

卷一序

遼寧作新印刷局印

月張學良

台安縣志序

輿史二學一則據空間以奏筆一則依時間以立言古人多分功而治試一究其內容性質實有錯迕連結而不可離者地方之有志舉凡方域之廣袤山脈之盤互河流之灌注物產之豐絀人事之變嬗悉於是焉著錄其於二者固已溝通而匯其歸焉後之觀治者手此一編足以見一方具體之情狀圖治者手此一編足以爲庶政設施之依據甚矣志之所關者重也台安居省治之西南氣候和煦川流錯注所得於天然之貺資足以資人事之發展者旣富且厚但因設治未久萬端草創志之取材頗難乃能於倉卒之間咄嗟集稿克告厥成其當事者之黽皇赴功有足尙矣惟萬事之始作也匪易竊願自今以往之蒞台安縣志卷一序

二

遼寧作新印刷局印

此土者會逢其時萃邑中淹雅多聞之士踵興而修葺之俾益臻其充實完美是尤余所殷殷企望者已

中華民國十九年四月 日臧式毅撰

台安縣志序

嘗攷古聖王之治天下也遣小行人以察萬民之隱設外史氏以掌四方之志既切輶軒之探復殷藹蕘之詞故國風二雅所陳禹貢職方之紀與夫子長貨殖孟堅地志對於山川風土農田水利以及建置沿革田賦疆域皆旁徵遠引探討搜求以詳其得失變化之由而據之爲施政立教因時制宜之具蓋天下之大萬物之繁山川互異風俗各殊欲稽其虛盛衰之況不加以竟委窮源之工何以收挈領提綱之效今天下政治最清明者莫過歐西彼邦人士雖至纖至微之事如與國計民生有關皆留心考察造成圖表著爲統計其從事本國之政治也以統計之所得爲施政之權輿其以經濟侵人之國也亦以統計

台安縣志

卷一序

三

遼寧作新印刷局印

之所得爲避堅就瑕之南針一政策之確立若網在綱有條不紊苟事前無周詳之記載與切當之預備何克臻此我國古時雖無統計專書然內地各省郡縣有志寰宇有記舉凡禮樂政刑風土財貨皆考核精詳著之於編留心治道者如能稍事瀏覽於裁成輔相左右宜民之道不無小補焉東省開化較晚史乘寥寥邊荒之地因交通梗塞往往百里之內聲息隔闕有如秦越雖較人之縣鎮間有一二種斷簡殘編或屬公家之統計或屬私人之記載亦皆係想像之推斷與大量之觀察故言人口道里則曰約有若干言風俗物產則曰大概如是若加以精詳之攷核則彼此均莫得而詳夫以此種疏漏寡當之記載與閉門造車之論斷爲政者竟據之以爲施政之方針疆費之津梁其不遺悞社

會殘賊民生者未之有也民國十四年冬余學治台安奉 省令編輯縣志當以教育所長傅君玉璞董其事前後六閱月書始成雖東鱗西爪未盡瞻詳而挈領提綱大體略具按圖索驥則凡台縣之政治人事山川物產以及因革損益之規模弭患保安之籌策有不待旁求遠訪而已洞悉於一覽之餘者余不禁喟然嘆曰秦漢以前中華幅員不過九州九州之外皆係荒服今則荒服之地悉成聲教文物之鄉是豈非歷代之賢宰名撫殫精竭力咨諏咨詢據粗成之跡因革損益而漸進於斯乎台安地處邊徼壤半漠荒氈車硬寨既未化乎榛極蒿柱土階實物成乎官舍例以昔日荒服之區雖顯有文野衡諸近世名埠巨鎮則大相逕庭是志也遠乏足徵之文獻近無可採之風詩疏淺簡陋自

台安縣志

卷一序

四

遼寧作新印刷局印

所難免惟古人有言曰草昧之地得一計簿効十百於法書又曰爲政不在多言有治守之責者誠能參綜考核實事求是則此寥寥數篇之志未始不可以致昇平其不能也則雖鼂賈之策班馬之書其何救於病國而擾民乎若異日台安之士以是書爲後守之賢者就此粗成之跡或因或革或損或益以謀台民之福利而匡余志之不逮行見琴堂佈化花縣宣猷班條務理治具畢張登萬民於衽席之上化荒服爲禮樂之邦不更於台政大有裨耶是爲序

中華民國十六年八月台安縣知事孫維善謹識

台安縣志序

縣之有志猶國之有史一縣之地利民風政績掌故咸藉是以考因是以傳倘擇焉不精語焉不詳則不惟以前者或被湮沒或致傳訛即以後之工商交通政治教育可以開發地利可以振興人事者亦無以鏡鑒觀摩而各致其曲焉縣志之於縣重矣哉民國十五年秋縣長孫公乃剛奉省令倡修縣志當委教育所長孫君伯英董其事十六年春奉天教育廳委璞爲台安教育所長縣長以職位關係復令璞續董其事璞學識謏陋於縣志之修知所謂不能贊一詞者乃固辭不獲爰邀王公子彥孟公兩公楊君介忱趙君惕秋等爲編修各機關首領以及本縣名儒顯宦等爲採訪遂於教育公所另闢一室曰縣志局而

台安縣志卷一序

五

遼寧作新印刷局印

從事編修未幾楊君以故辭孟公以病歸復延呂先生光宇爲之協助是年十月而志成凡四冊共分五編曰疆域曰政治曰人事曰人物曰藝文計耗奉小洋三千一百六十元歷時六閱月斯役也編修採訪諸君子皆殫力修採冀成鉅製特款少時促而璞又材力棉薄未能曲致其全雖集帙成卷而實不無簡陋闕略之憾今幸規模粗具尙可爲後之君子修正之資乃述編修之始末以實篇首是爲序

修竣即擬付梓惟籌款困難延遲至十九年不料三年之內變化甚多復廢續修纂止於十九年十一月又序

中華民國十九年十一月台安縣教育局局長傅玉璞謹序

序

孫公乃剛治台之明年政教誕敷民以大和乃考故事徵遺文曰他縣皆有縣志而台安獨無豈非一大憾事况重以省長王公之命縣志之作又烏容已乃委其事於傅君含章時含章司教育政學務紛繁日不暇給而徵武司編輯事武辭曰縣之有志猶國之有史家之有乘也非有高天下之才而復熟於典故者不足以言史乘也昔太史公具良史才而史記一書論者謂其是非謬於聖人况以武之謏陋無文盲然於是邑之事實典故人物風俗而欲以之司筆政是以駑駘之馬而使代騏驎之任其不敗轅覆轍者幾希矣傅君曰否否凡事皆由進化而來茹毛飲血進於熟食巢處穴居進於宮室以今日草創經營歲

台安縣志

卷一序

六

遼寧作新印刷局印

月短促款項支絀誠不免有遺漏錯誤之處然恐其遺漏錯誤而不爲之編輯是因噎以廢食因跛以廢行也烏乎可哉其勿辭武乃爲之次其先後正其紛亂凡六閱月而蒞事先之以地理地理者萬物之歸宿也有地理然後山川區村人民物產得以附麗矣次之以政治諸侯之寶三而政治居其一有政治然後官吏財賦學校警甲有所統屬矣政治修而後人事立人事立而後物產富而一切人物藝文可得而言之矣爲書五卷訂爲四冊誠知僭妄無所逃罪然規模粗備形式略具後之君子得以補其偏而救其弊則是志也不無小補云

爾王紹武序

編纂縣志人名錄

督修

台安縣知事

孫維善

監修

台安縣教育所長

傅玉璞

纂修

前清國史館謄錄候選鹽課大使

王紹武

邑人

孟廣田

縣公署科員

趙惕秋

台安縣志

卷一人名錄

七

遼寧作新印刷局印

校定

師中學校教授

李芳辰

師中學校教授

傅玉振

第一小學校主任

張國威

探訪

教育公所事務員

姜慶凱

教育公所事務員

張玉璞

邑人

楊維藩

邑人

呂昶增

教育公所事務員

左貴儒

教育公所會計員

門振鐸

台安縣圖書館主任

王惠風

名譽探訪

縣公署第一科科长

潘鴻鈞

縣公署第二科科长

趙正昌

縣公署承審員

田啓中

警甲所所長

宋錫武

地方公款處主任

任希範

台安縣志

卷一人名錄

八

遼寧作新印刷局印

電話局局長

王者賓

教養工廠廠長

宋文顯

師中學校校長

傅良忱

邑人

宋德惠

第一區區長

劉靜修

第二區區長

劉錫九

第三區區長

郝永恩

第四區區長

張九皋

第五區區長

郭作周